



Pou Piblikasyon Imedya: 23/11/2022

GOUVÈNÈ KATHY HOCHUL

## GOUVÈNÈ HOCHUL ANKOURAJE NOUYÒKÈ YO ACHTE LOKALMAN NAN TI BIZNIS YO SAMDI

*Sipòte biznis lokal yo samdi 26 novanm ak pandan tout ane a ranfòse kominote yo ak ranfòse ekonomi lokal yo*

***Gade SPA Samdi Ti Biznis Depatman Travay la [isit la](#)***

***Seri pwogram pou Ti Biznis Empire State Development lan disponib [isit la](#)***

Gouvènè Kathy Hochul ansanm ak Empire State Development, Depatman Travay la (Department of Labor, DOL), Enpo ak Finans (Taxation and Finance), ak Agrikilti ak Mache (Agriculture and Markets, AGM) te ankouraje tout Nouyòkè jodi a pou sipòte ti biznis lokal pa yo nan jounen "Samti Ti Biznis" (Small Business Saturday) la 26 novanm 2022 an. Ti biznis yo reprezante 98 poustan nan ekonomi Eta New York epi yo jenere dè milyon djòb atravè Empire State, epi lè yo chwazi achte lokalman samdi, epi chak jou, Nouyòkè yo ap investi nan katye yo, sa k ap ranfòse kominote yo, epi kenbe dola taks yo nan zòn Eta New York yo.

"Samdi Ti Biznis lan se yon opòtinité pou tout Nouyòkè yo jwe yon wòl nan ranfòse ekonomi nou an, kreye katye ki vibwan, epi kenbe kominote yo konekte", **Gouvènè Hochul te deklare.** "Ti biznis New York yo se nwayo ekonomi nou an, epi paske kominote sa a pami sa yo ki pi frape nan pik pandemi an, administrasyon mwen an te konsantre kareman sou rekiperasyon li. Mwen ankouraje Nouyòkè yo pou yo pwofite tout biznis sa yo gen pou ofri ak achte lokalman samdi sa a."

**Prezidan, Direktè Egzekitif Jeneral ak Komisè Empire State Development lan, Hope Knight, te deklare,** "Chak fwa ou vizite restoran oswa magazen kado ou pi renmen epi achte yon bagay nouvo, w ap sipòte yon ti biznis lokal. Ti biznis yo se kolòn vêtebral kominote nou yo epi lè y ap pwosepere, nout tout ap pwospere. ESD a te kontribye pou ofri sipò pou ti biznis ak mikwo antrepriz nou yo atravè anpil pwogram pandan pandemi an ak odela, men nou pa ka fè l pou kont nou—sipò kliyan yo chak jou entegral, ep nou ankouraje Nouyòkè yo pou achte nan ti biznis lokal ou yo jounen samdi sa, ak chak jou."

**Komisè Depatman Travay Eta New York la, Roberta Reardon, te deklare**, "Ti biznis yo se poto prensipal kominate yo. Lè nou fè makèt nan biznis sa yo, n ap sipòte fanmi yo, travay yo, ak ekonomi divès Eta New York la. Mwen ankouraje Nouyòkè yo pou yo achte nan ti biznis yo epi achte souvan nan jounen Samdi Ti Biznis sa a ak pandan tout sezon fèt la."

**Komisè Pa Enterim Depatman Fiskalizasyon ak Finans Ian (Department of Taxation and Finance) Amanda Hiller, te deklare**, "Ti biznis yo te frape anpil pandan pandemi an epi yo sèlman kòmanse ak rekiperre yo kounye a. Pou ede pwosesis sa a, eta a gen yon seri kredi taks ak ankourajman biznis konplè. Mwen ankouraje pwopriyetè ti biznis yo pou yo eksploré kredi ak ankourajman sa yo sou sit entènèt nou an. Mwen ankouraje Nouyòkè yo tou pou yo achte nan ti biznis yo wikenn sa a ak pandan tout ane a."

**Komisè Agrikilti ak Mache Eta la (State Agriculture and Markets), Richard A. Ball, te deklare**, "New York se lakay plis pase 33,000 fèm familyal ki pwodui manje ak bwason klas mondal. Fèmye k ap travay di nou yo pran anpil fyète pou nouri vwazan yo ak Nouyòkè parèy yo, epi yo vrèman enpòtan pou eta nou an. Sezon fèt sa a, mwen ankouraje ou pou di mèsi pou manje bon gou ak kado reflechi ou pataje ak fanmi epi achte lokal pou sipòte pwodiktè yo nan kominate w la."

Samdi Ti Biznis Ian selebre espri antreprenaryal pwopriyetè ti biznis yo epi envite achtè yo vizite magazen lokal yo nan kòmansman sezon fèt makèt ki chaje a. Sektè ti biznis la se yon gwo kontribisyon nan fondasyon ekonomik New York la, li anplwaye plis pase 40 pouzan nan mendèv sektè prive New York la. Jodi a, Eta New York gen plis pase 549,000 ti biznis ki anplwaye plis pase twa milyon moun.

### Sipò Eta New York pou Ti Biznis yo

Nan kad lidèchip Gouvènè Hochul, Eta New York ap bay asistans ki vo plis pase 1 milya dola atravè yon seri pwogram ak inisyativ ki fèt pou sipòte kwasans ti biznis yo epi ede antreprenè yo maksimize opòtinite yo pou yo reyisi.

Dènyèman, Gouvènè Hochul te anonse ke Eta New York te [resevwa 501.5 milyon dola nan finansman federal](#) atravè Inisyativ Kredi pou Ti Biznis nan Eta (State Small Business Credit Initiative, SSBCI) a, yon pwogram atravè Lwa sou Plan Sekou Ameriken (American Rescue Plan Act, ARPA) an. SSBCI ke Depatman Trezò Etazini ap jere bay fon pou sipòte pwogram pou ti biznis yo, ak yon konsantrasyon sou rekiperasyon anba efè ekonomik COVID-19 la ak pèmèt Biznis ki Posede pa moun ki sosyalman ak ekonomikman defavorize yo (socially and economically disadvantaged individuals, SEDI) gen opòtinite pou yo reyisi nan ekonomi apre pandemi an. 501.5 milyon dola nan finansman SSBCI New York la gen ladan yon alokasyon prensipal 377.1 milyon dola, ansanm ak 124.4 milyon dola pou biznis ki sosyalman ak ekonomikman defavorize yo (SEDI). Aprann sou seri pwogram SSBCI Eta New York la [isit la](#). Lòt pwogram pou ede ti biznis yo enkli:

- [Pwogram Sibvansyon Finansman Demaraj Eta New York la ki koute 200 milyon dola](#) te lanse nan mwa septanm nan. Pwogram sa a fèt pou bay asistans pou ti biznis ki nan etap demaraj yo nan yon ekonomi Eta New York k ap rekipere. Pwogram sa a ouvri pou biznis ki operasyonèl kounye a ak revni anyèl ant 5,000 dola ak 1,000,000 dola ki te kòmanse fonksyone apati 1e septanm 2018 oswa apre, vizite [nyseedgrant.com](http://nyseedgrant.com) pou plis enfòmasyon sou plis kondisyon elijiblite ak kijan pou aplike.
- [Pwogram 250 milyon dola pou Kredi Enpo pou Depans Kapital ki Lye ak COVID-19 la](#) bay ti biznis Eta New York ki chaje ak yon seri depans operasyonèl ki soti nan pandemi COVID-19 la, soti nan chanjman estriktirèl ak amelyorasyon biling rive nan founiti ak materyèl ki gen rapò ak sante yo. Pwogram nan ofri biznis ki kalifye yo soulajman anba fado ekonomik ki ajoute a nan bay kredi enpo pou ede diminye enpak finansye ki gen rapò ak pandemi an. Ti biznis yo ka resevwa yon kredi enpo 50 poustan nan depans ki kalifye yo jiska yon maksimòm 25,000 dola nan kredi enpo ki baze sou depans 50,000 dola ki kalifye.

Eta New York sipòte tou yon rezo Sant Asistans Antreprenarya (Entrepreneurship Assistance Centers, EAC) nan kominate yo atravè eta a ki bay ansèyman, fòmasyon, asistans teknik, ak sèvis sipò bay moun ki enterese kòmanse oswa ki fèk kòmanse pwòp biznis yo, oswa antreprenè k ap chèche elaji oswa ranfòse biznis demaraj pa yo. Pou kapab jwenn yon EAC ki tou pre ou, vizite <https://esd.ny.gov/entrepreneurship-assistance-centers>.

Depatman Travay Eta New York la (New York State Department of Labor, NYSDOL) ofri divès sèvis gratis pou biznis tout dimansyon, ki enkli plis pase 220,000 djòb ki pibliye sou [sitweb](http://sitweb.ny.gov) NYSDOL la, aksè nan plizyè dizèn milye kandida ki kalifye nan gwooup talan nou an, fwa karyè ak rekritman pèsonalize, ak sèvis konsiltasyon nan Resous Imèn. Dè milye biznis travay ak NYSDOL pou afiche travay yo, jwenn bon kandida yo, gen aksè nan motivasyon pou anboch ak fòmasyon, jwenn kredi enpo ak ensitatif, jwenn èd ak lwa endividyèl ak sèvis konfòmite pou sekirite ak sante, epi jwenn resous avèsyon pou revokasyon. Pou plis enfòmasyon, vizite: <https://www.labor.ny.gov/business>. Depatman an pral lanse tou yon [nouvo PSA](#) sou rezo sosyal yo, k ap ankouraje ti biznis Eta New York yo epi ankouraje Nouyòkè yo fè acha nan ti biznis yo pandan sezon fèt sa a.

Eta New York ofri plizyè douzèn kredi taks ak ensitasyon pou ede pwopriyetè ti biznis ak antreprenè yo fè yon enpak ki benefik nan kominate lokal yo. Ti biznis yo ka jwenn aksè ak yon varyete resous ak pwogram nenpòt lè nan paj wèb devwe [Ensitatif pou Biznis](#) Depatman Enpo a, yon boutik konplè ki vann an detay sou kredi enpo ak ensitatif pou yon varyete antrepriz nan divès endistri—soti nan elvaj ak agrikilti rive nan rechèch ak devlopman nan fabrikasyon.

Biznis yo ka kalifye tou pou kredi travay ak ensitasyon pou anboch ak fòmasyon travayè lokal, osw pou kredi taks ak egzanpsyon ki gen objektif pou ankouraje amelyorasyon pwopriyete. Sitwèb Depatman Enpo a, [www.tax.ny.gov](http://www.tax.ny.gov), gen enfòmasyon sou kredi ak ensitatif ki disponib, ansam ak detay sou nouvo soulajman enpo sou revni pou anpil ti

biznis. Sitwèb [Sèvis anliy pou biznis](#) la bay mwayen ki efikas pou fè pèman, afiche enfòmasyon pou depoze yo, oswa otreman, entèraji ak Depatman Fiskal la.

Depatman Agrikilti ak Mache Eta New York sipòte endistri agrikòl New York la, ki sipòte plis pase 33,000 fèm, 700 mache fèmye ak kyòsk agrikòl, ak plizyè milye ti biznis agrikòl. Depatman an administre tou pwogram Kiltive epi Sètifye Eta NY (NYS Grown & Certified), ki komèsyalize agrikiltè ak pwodiktè lokal k ap patisipe nan pwogram manipilasyon manje ak dirabilite anviwònmantal nan tout sekirite, k ap ede yo fè konpetisyon pi byen sou mache a. Anplis de sa a, pwogram Taste NY la prezante manje ak bwason biznis New York yo nan gwo evènman piblik yo, ak nan magazen Taste NY, Sant Dakèy Eta yo, eksposizyon ak konsesyon yo nan plis pase 70 kote atravè New York. Ane sa a, ShopTasteNY.com, ki se mache anliy Taste NY la, pral ofri plizyè kontra nan wiken jou ferye yo, tankou ofri 40% reduksyon sou tout sit la nan Black Friday, 50% reduksyon Buy-One-Get-One (Achte Youn Epi Ou Gen Youn) nan Samdi ak Dimanch Ti Biznis yo, epi bay yon kat kado elektwonik 25 dola lè w achte pou 50 dola oswa plis nan Cyber Monday (Lendi Sibè). Nouyòkè yo ka achte tou pou jou ferye yo nan Taste NY Welcome Centers (Sant Akèy Taste Ny), ki pral montre pwodiktè lokal yo avèk panyen kado ki gen manje lokal, atik ki fèt alamen, ak lòt pwodwi inik. Jwenn plis enfòmasyon sou [ShopTasteNY.com](#) Depatman an ede ti agribiznis yo ak fèmye yo ak sèvis enpòtan ki amelyore biznis yo epi ogmante pwodiktivite, rantabilite, ak konpetitivite.

### Fason pou Sipòte Ti Biznis yo Chak Jou

- **Achte lokal** - Fè efò pou achte nan ti magazen lokal olye yon magazen gran sifas. Lè w achte nan ti biznis yo, w ap ankouraje ekonomi lokal ou a paske pwopriyetè ti biznis yo gen tandans achte founii ak machandiz ki tou pre.
- **Achte kat kado yo** - Pifò ti biznis, soti nan restoran ou pi renmen an, ba oswa cafe a, magazen detay espesyalite sou katye w la, oswa salon bote lokal ou an, ofri kat kado oswa sètifikasi kado. Lè ou achte kat kado, w ap enjekte envestisman ki nesesè nan biznis sa yo pou apre sezon fèt la fin pase.
- **Ale nan mache kiltivatè lokal ou a** - Anpil mache kiltivatè deyò yo ka dirije yo anndan kay nan moman sa a nan ane a, men toujou gen anpil òf inik san parèy. Soti nan atizana ki fèt alamen rive nan vejetasyon sezonye - mache kiltivatè lokal ou a se yon bon kote pou sipòte ti biznis lokal yo.
- **Vizite oswa kòmande pou anpòte oswa livrezon nan ba oswa restoran lokal ou an** - Pa blye bay bon tep. Travayè restoran yo te frape pamì sila yo ki frape pi di pa pandemi an. Anpil restoran toujou ap ofri livrezon bò lari.
- **Bay kòmantè ki pozitif** - Si ou te jwenn yon bon pwodui, repa, oswa sèvis oswa menm hyon bon pwomosyon oswa vant, fè zanmi ak fanmi ou yo konnen. Pa blye kite yon bon kòmantè sou rezo sosyo. Pi bon piblisite a se bouch a bouch.
- **Si ou dwe fè yon retou, pran yon kredi nan magazen an olye yon ranbousman** - Si ou kapab. Sa kenbe lajan an nan ti biznis la epi chak bagay ede.

###